

Inatsisissatut siunnersuummut nassuiaatit

Nalinginnaasumik nassuiaatit

-

1. Aallaqqaasiut:

Kalaallit Nunaanni inuussutissarsiummik ingerlataqarneq pillugu Inatsisartut inatsisaata kingulliup ulloq 1. januar 2002-mi atuutilersinneqarnerata kingorna inuussutissarsiummik ingerlatalinnik i-ngerlatseqatigiiffittut ilusilikkanik Kalaallit Nunaanni inuussutissarsiummik ingerlatallit nalunaarsorsimaffiannut nalunaarsuisarnermut tunngasut pissusissamisuumngitsut paasineqarsimavoq. Kalaallit Nunaanni inuussutissarsiummik ingerlatsisinnaatitaanerup ingerlatseqatigiiffinnullu atatillugu Kalaallit Nunaanni Inuussutissarsiutinik Nalunaarsuiffimmut nalunaartussaataitaanerup ullumikkut ataqatigiissinneqarsimanninnerat ajornartorsiutaavoq.

Nioqquteqarfiit aalaakkaasunut § 11-imi avataatigut inunnit inuussutissarsiutitut ingerlanneqarsinnaasutut taaneqartut sanillersuumneqarnissaat ilanngullugu pisariaqartinneqarpoq.

Takornarianut sammititanit immikkut aaqqissuussinernut il.il. atatillugu, assersuutigalugu umiarsuit imarpikkoortaatit tikinnerini, inuussutissarsiummik ingerlataqarnermik ilaatitsinninnissamut aalajangersakkanik erseqqinnerusunik aalajangersaasinnaanissamut Naalakkersuisut piginnaatinneqarnissaat pisariaqartoq paasineqarpoq.

2. Siunnersuummi immikkoortut pingaernerit:

Siunnersuummi piumasarineqarpoq ingerlatseqatigiiffiit § 5-imi taaneqartut inuussutissarsiummik ingerlatsisinnaassagunik Kalaallit Nunaanni Inuussutissarsiutinik Nalunaarsuiffimmut nalunaarsorneqassasut. Ingerlatseqatigiiffiit sapinngisamik amerlanerpaat ilanngunnerisigut nalunaarsuiffiup kinguneqarluartunngortinneqarnissaa allannguutissatut siunnersuutikkut naatsorsuutigineqarpoq.

Tamatuma saniatigut takornarianut nioqquteqarluarsinnaanerujumalluni nioqquteqarfiup aalaakkaasup avataani immikkut aaqqissuussanik nioqquteqarnermi saqqummersitsivinnik pilersitsisinnaanissaq kissaatigineqarpoq.

Assersuutigalugu umiarsuit imarpikkoortaatit tikinnerinut atatillugu nioqquteqarfiit aalaakkaasut avataanni takornarianut nioqquteqarnermut atatillugu umiarsuit imarpikkoortaatit tikinnerini takornariaqarnikkullu pisuni annertuuni allani inuiaqatigiinni aningaasaqarniarnitsigut iluanaarutinik annertusisitsinnaajumalluta saqqummersitsivinnik pilersitsisinnaanissamut periarfissaq Greenland Tourism & Business Council A/S-imit pingaartumik kissaataavoq.

3. Aningaasaqarnikkut allaffissornikkullu pisortanut kinguneqaatissat:

Kalaallit Nunaanni Inuussutissarsiutinik Nalunaarsuiffik Kalaallit Nunaanni inuussutissarsiutinik ingerlatsinikkut eqqornerusumik takussutissiisasoq allannguuteqartitsinerup kingunerissagaa naatsorsuutigineqarpoq.

Pisortani oqartussaasut ingerlatseqatigiiffinnut immikkuullarissunut atatillugu paasissutissanik ajornaannerusumik pissarsisinnaalernissaat tamatuma ilaatigut kingunerissavaa.

Nioqquteqarfiit aalaakkaasut avataanni nioqquteqarnikkut saqqummersitsinernik aaqquissuussinnaajumalluni periarfissanik allannguneq pisortanut allaffissornikkut aningaasaqarnikkulluunniit kinguneqaateqassasoq naatsorsuutigineqanngilaq.

4. Aningaasaqarnikkut allaffissornikkullu inuussutissarsiummik ingerlatsisunut kinguneqaatissat.

Inuussutissarsiummik ingerlataqarneq pillugu Inatsisartut inatsisaanni ingerlatseqatigiiffiit Kalaallit Nunaanni Inuussutissarsiutinik Nalunaarsuiffimmut nalunaarutigineqarsimanissaat Kalaallillu Nunaanni inuussutissarsiummik ingerlatsisinnaatitaanerup ataqatigiisinneqarnissaat pissutigalugu allaffissornerup oqimaannerulersinneqarnissaa naatsorsuutigineqanngilaq.

Inuussutissarsiummik ingerlatsinermut tunngavissatut Kalaallit Nunaanni Inuussutissarsiutinik Nalunaarsuiffimmi ingerlatseqatigiiffinnik nalunaarsuisarneq pillugu maleruagassat allanngortinneqarnerisa Kalaallit Nunaanni Inuussutissarsiutinik Nalunaarsuisarfiup internetimi nittartagaatigut inuussutissarsiutinik ingerlatsisut suleqatissanik ujaasisarneri ilaalu ilanngullugit ajornaallisissavaat. Nalunaarsuiffimmit tunngaviusumit nalunaarsukkanik pisortat atuinerisa annertusiartornerat ilutigalugu pisortani oqartussaasut paasissutissanik pigeriigaasut amerlassusilinnik inuussutissarsiummik ingerlatsisut tunniussisariaarunissaat aamma allannguinerup kingunerissavaa.

Takornarianik tikittoqarneranut atatillugu nioqquteqarfiup aalaakkaasup avataanni nioqquteqarnermut saqqummersitsivinnik pilersitsinissamut periarfissat allannguuteqarnissaat isertitat annertusinerannik kinguneqarsinnaasoq naatsorsuutigineqarpoq.

5. Avatangiisinut pinngortitamullu kinguneqaatissat.

Siunnersuut pinngortitamut avatangiisinullu kinguneqaateqartussaangilaq.

6. Allaffissornikkut innuttanut kinguneqaatissat.

Siunnersuut allaffissornikkut innuttanut kinguneqaateqartoqassangilaq.

7. Naalagaaffeqatigiinnermut Namminersornermullu tunngasut.

Siunnersuut Naalagaaffeqatigiinnermi oqartussanut allaffisornikkut nammatassiisussaangilaq.

Kalaallit Nunaanni Inuussutissarsiutinik Nalunaarsuiffiup naammassisaqarluarsinnaalersinneqarneranut atatillugu allannguutit takornarianullu tunisaqarnerulernissamut periarfissanik atorluaanissamut tunngassutillit Namminersorneq Pillugu Isumalioqatigiissitat isumaliutissiissutaannut naapertuupput.

8. Pisortanut kattuffinnullu tusarniaaneq.

Siunnersuut nassuiaatitalik Kalaallit Nunaanni Sulisitsisut Peqatigiiffiannut, ILIK-mut, NUSUKA-mut, KANUKOKA-mut, Greenland Tourism & Business Councilimut, Aningaasaqarnermut Pisorta qarfimmuq Politimestere qarfimmullu tusarniaassutigineqarsimavoq. Tusarniaavigineqartut siunnersuummut oqaaseqaateqanngillat.

Inatsisissatut siunnersuutip aalajangersagartaanut ataasiakkaanut nassuiaatit

§ 1-imut

Nr. 1-imut.

Aktiaatillit, anpartsselskabitut piginneqatigiillunilu ingerlatseqatigiiffittut ingerlatsisinnaatitaaneq Kalaallit Nunaanni Inuussutissarsiutinik Nalunaarsuisarfimmuq nalunaarsimanissaq allannguutikkut pisussanngortinneqarpoq.

Nr. 2-mut.

Sulliviit pilersikkiartuaartinneqartut atuutereersullu Kalaallit Nunaanni Inuussutissarsiutinik Nalunaarsuiffimmuq nalunaarsimasussatut piomasaqarfigineqarnissaat aalajangersakkap siunertaraa.

Nr. 3-mut.

Ingerlatseqatigiiffiit killilimmik akisussaasuusut, taakkununga ilaallutik ingerlatseqatigiiffiit nikerartumik amerlassusilinnik ilaasortallit nikerartumilluunniit annertussusilinnik aningaasaatillit, peqatigiiffiit, aningaasaateqarfiit suliffeqarfiillu imminut pigisut allat Danmarkimi, Savalimmiuni Kalaallilluunniit Nunaanni angerlarsimaffeqartut Kalaallit Nunaanni inuussutissarsiummik ingerlatsissagunik Kalaallit Nunaanni Inuussutissarsiutinik Nalunaarsuiffimmut nalunaarutigineqarsimanissaat piumasaqaataassasoq anguniarneqarpoq. Inuussutissarsiummik Ingerlataqartunik Nalunaarsuiffik pillugu Inatsisartut inatsisaanni § 3, imm. 1, nr. 2 naapertorlugu inatsimmi pineqartut nunaniluunniit allani inatsimmi pineqartut immikkoortortaat Kalaallit Nunaanni Inuussutissarsiutinik Nalunaarsuiffimmut nalunaarutigineqartussaapput. Ingerlatseqatigiiffiit danskinit savalimmiormiunillu pigineqartut tassunga atatillugu nunani allani inatsimmi pineqartutut isigineqanngillat.

Nr. 4-mut.

Kalaallit Nunaanni inuussutissarsiummik ingerlatsinissamut nunani allani ingerlatseqatigiiffiit il.il. immikkoortortaannut Kalaallit Nunaanni Inuussutissarsiutinik Nalunaarsuiffimmut taakku nalunaarsimanissaat piumasaqaataalerpoq.

Nr. 5-mut.

Nioqquteqarfiup aalaakaasup avataani § 11-imi taaneqartut inuussutissarsiummik ingerlatsivittut oqaatigineqartunik ingerlatsinnaassagaanni inuit inatsisitigullu pineqartut allannguutikkut naliigiissinneqarput. Sulliviit inuillu ataasiakkaat nioqquteqarfiup aalaakkaasup avataani nioqqutissanik sullississutinillu tunisinermi isertitanik pissarsinnaassapput.

Nr. 6-imut.

Inatsimmi matumani takornarianut sammititamik immikkut aqqissuussanut atatillugu inuussutissarsiummik ingerlatsinerup ilaatinneqannginnissaanut aalajangersakkanik erseqqinnerusunik aalajangersaanissamut Naalakkersuisut piginnaatinneqarput. Ilaatigut umiarsuit imarpikkoortaatit tikinnerinut atatillugu § 13-imi oqaatigineqartutut nioqqutissanik sullississutinillu tunisinermut atatillugu ingerlatat erseqqinnerusumik aalajangersaavigisinnaannaannut piginnaatitsissut Naalakkersuisunik piginnaatitsivoq.

§ 2-mut.

Inatsit ulloq 1. april 2006 atuutilissasoq siunnersuutigineqarpoq, taamaalilluni takornariat eqqarsaatigalugit § 1 nr. 4-mi taaneqartut takornariaqarnikkut

sullissiviunerusut niueruteqarnerusinnaanermut periarfissanik atorluaanissamik
piareersaateqarnissaat periarfissaqarsinnaaqullugu.